

11.

ORDINIS MEDICI IENENSIS DECANVS

IVSTVS CHRISTIANVS LODER, D.

DISSERTATIONEM INAUGVRALEM

DOCTISSIMI MEDICINAE CANDIDATI

GEORGII FRIDERICI KRÜGER

OHRDRVFFIENSIS

DIE XIX MAII MDCCLXXXI.

PVBLICE HABENDAM

INDICIT.

---

Praemittitur commentationis *de vaginae uteri prolapsu*

particula II.

---

I E N A E

LITTERIS FICKELSCHERRIANIS.





**S**YMP TOMATA , quae vaginae vteri prolapsum , in-  
primis eum quem vniuersalem et complicatum  
diximus , comitari solent , eadem fere sunt , quae sub vteri  
ipius procidentia obseruantur . Pertinent huc inprimis fre-  
quentes et vani ad emittendam vrinam stimuli , miectio diffici-  
lis et dolorifica , alui retentio , fluor albus , molestia ex corpo-  
re peregrino genitalibus inhaerente vel ab illis dependente  
exorta , prolapsae partis facillima inflammatio , partus retarda-



tio, quam vel genitalium strictura, vel femorum et vestimentorum frictio, vel urinae effluentis, crustam satis densam non raro formantis, immundities, vel ipse denique sanguinis impeditus circuitus et enata inde humorum collectio et stagnatio procreant. Iam vero, si prolapsa pars inflammata est et intumuit, dolores oriuntur tensui circa lumbos, in sedendo pedibusque ingrediendo molestia, et vehementissimi dolores inflammatorii in ipsa parte propendente et in genitalibus, febrisque inflammatoriae varia symptomata, quae nota satis hic recensere non vacat. Denique vero silentio praetereunda non est illa molestia, quae ex frequenti procidentia repositae iam partis vel minima corporis agitatione exoritur.

Ad PROGNOSIN quod spectat, prolapsus vaginae univialis et completus virginibus raro, at feminis quae coitu frequenti utuntur et libidinosae sunt, saepius contingit, itemque si saepe foras egressus et repositus fuerit, curationem quidem palliativam admittit, radicalem vero semper fere respuit. Partus crebriores, et inter hos imprimis qui difficiliorum generi annumerantur, vaginae relaxationem augent, eiusque procidentiam completam, si antea non adfuerit, certe procreant; ipso autem sub partu, nisi vaginae relaxatae bene prospicias, caput infantis vehementissimis uteri contractionibus deorsum pressum in transitu suo retardatur, membranam vaginae internam protrudit, eamque demum dirumpit. Vehementiores corporis commotiones, duraeque alui aerumnosa depositio ex incompleto vaginae prolapsu completum efficere

~~—————~~ 5

cere valent. Nec desunt denique exempla, quae docent, vrinam supra vaginae prolapsam defluentem, corrodere illum posse, ita, ut ipsa vrina in eius cauum transeat, ibique calculosarum concretionum, morbi molestiam vehementer augmentum, origini, locum praebeat. \*).

CURATIO denique morbi, de quo agimus, aut *palliatiua* est, aut *radicalis*. Illa consistit in eo, ut relaxatam et elapsam partem in locum, quem deseruit, reponamus, eiusque nouum descensum vel fasciarum idonearum applicatione vel alio quocumque retinaculo impediamus; haec vero morbum ita tollit, ut ea pars, quae relaxata fuerat, firmetur, locumque suum sponte seruet, adeo, ut nullis prorsus remediis ad eam continendam opus sit. Ex quibus igitur constat, palliatiuam curationem radicali semper praemittendam esse.

Si ergo relaxationem vaginae vel ipsum prolapsum adesse signis supra indicatis edocemur, si porro neque tumor neque inflammatio in parte prolapsa apparet, eiusdem partis repositio id est, quod primum nobis curae esse debet. Instituitur autem repositio ea ratione, ut digitis indice et medio vel oleo vel butyro insulso vel unguento pomato inunctis, tunicam propendentem sensim sensimque reprimamus, ita ta-

A 3

men

\*) Eiusmodi exemplum egregie descripsit et delineari curauit Cel. STOELLER in libro cui titulus est: *Beobachtungen und Erfahrungen aus der innern und äussern Heilkunst*. Gothae 1777. pag. 25. seqq.



men, vt partem, quae pudendis propior est, prius, eam vero, quae ab illis remotior est, deinde refundamus. Reposito igitur prolapsu digitum indicem vaginae immittimus, vt, quae fortasse supersint maiores et eminentes plicae, vaginae parieti adprimantur. Clysmate autem emolliente ad laxandam aluum, et cathetere ad educendam vrinam, nisi sponte effluat, prius opus est, quam prolapsus repositionem instituamus, ne, quo minus absque dolore et difficultate absolui possit haec ipsa repositio, faeces aluinae induratae et vesica vrinae copia repleta impediunt.

Situs aegrotae is esse debet, vt supine decumbat, thorace, quantum fieri potest, demisso, cruribus extensis et eleuatis, calcaneis ad nates adpressis. Durante ipsa operatione nec vocem edere, nec situm mutare, nec corpus mouere debet.

Sufficiant haec in praesenti. Reliqua, quae ad curationem spectant, nec non obseruationes nonnullas huc pertinentes proxime dabimus.

Iam vero commendandus est doctissimus atque praenobilissimus Medicinae Candidatus

## GEORGIUS FRIDERICVS KRÜGER

OHRDRVFFIENSIS,

qui per tres annos, quibus in hac nostra Academia salutari arti addiscendae operam dedit, ita sese exhibuit, vt omnibus

ac singulis Praeceptoribus non solum ob ingenium et diligentiam, sed quoque ob morum integritatem carus admodum esset. Quae vero studiorum vitaeque ipsius ratio fuerit, ab ipso his verbis edocemur:

**E**go Georgius Fridericus KRVEGER *Incem hujus uniuersi aspexi in urbe Ohrdruffio principatus Hohenloici, die vigesimo octauo mensis Octobris, anno millesimo septingentesimo quinquagesimo octauo. Patrem veneror, virum artis suae peritum, Ernestum Fridericum KRVEGER Pharmacopolam Serenissimi Principis privilegio ornatum. Mater vero, nunc ad coelites vocata, Christiana Friderica b. BRAVNII, Pharmacopulae in modo dicta urbe, natu major filia fuit. Parentes mei carissimi omnem operam adhibuerunt, ut principiis christianae religionis, iisque, quibus aetas puerilis informari solet, disciplinis imbuerer. Pro-  
 uectiori vero aetate traditus sum institutioni SILBERSCHLAGII, Viri venerandi, materna affinitate mihi juncti, tunc temporis Conrektoris Lycei, quod Ohrdruffii floret, iam vero Ministerii sacri Diaconi, et post eum Conrektoris AGRICVLAE, Viri meritissimi. Sequentibus annis per breue tempus imbutus sum institutionibus Senis venerabilis et doctissimi b. CONRADI, Rektoris illius Lycei, nec minus Ill. EICHHORNII, Professoris in hac Academia longe celeberrimi. Per aliquot temporis spatium etiam hausi praecepta optima et vberissima ex ore nonnullorum venerandorum et optime de me meritorum virorum; maximam vero utilitatem hausi ex doctrina Cl. KERSCHT, p. t. Rektoris Lycei Ohrdruffiensis, Viri de me meisque studiis meritissimi, qui me non  
 solum*



*solum in publicis, sed etiam in priuatis horis diligenter instruxit. Tandem idoneus iudicatus, qui praelectionibus Celeberrimorum in Academia Professorum interesset, anno millesimo septingentesimo septuagesimo octauo Ienam me contuli et die tertio mensis Maii, Prorectore tunc temporis Magnifico Ill. EICHHORN, in numerum ciuium academicorum sum receptus. Iam vero arti hippocraticae, quae a prima pueritia mihi arrisit, totum me tradidi, eamque ob rem studia mea ita ordinavi, ut in philosophicis recitationes logicas, metaphysicas, et anthropologicas Exc. ULRICH maximo cum emolumento frequentarem. Mathefin et Algebram apud Ill. WIEDEBURGIUM, ac antiquitates Germanorum apud Exc. MÜLLERVM magno cum fructu audiui. Physicam theoreticam et experimentalem et scientiam forestalem optime mihi explicauit Ill. SVCCOW, et Horatium Ill. EICHHORN. In rebus medicis me instruxit summa cum utilitate praecipue in Physiologia, Pathologia, Therapia generali, Medicina forensi, ac in arte formulas medicas conscribendi Ill. NICOLAI gratiosae Facultatis Senior, Fautor ac Praeceptor aeternum colendus. Illustrum insuper ac experientissimum celeberrimumque GRVNERVM, Fautorem pariter ac Praeceptorem summa pietate prosequendum, de quo mihi vehementer gratulor, Materiam medicam, Semioticen, Therapiam specialem seu Praxin medicam, artem quoque formulas medicas concinnandi, Bibliothecam veterum medicorum, praeclare singula exponentem, consului. Nec sub eo Illustri Moderatore exercitationes perutiles, disputatoriae quae dicuntur, habitas neglexi, summosque exinde hausi fructus. Physiologiam  
 quo-*



quoque, *Materiam medicam, artem formulas conscribendi, artem obstetriciam, Chemiam pharmaceuticam ex recitationibus Exc. STRACKII, Fautoris ac Praeceptoris summopere colendi didici; sub eius auspicio etiam theoriam in praxi medica interdum adhibui. Explicationibus Exc. HALLBAVERI in Botanica interfui, nec non Experientiss. SCHENKII in Osteologia et Botanica. Nec silentio praetereundae sunt institutiones Cl. ROVX, qui linguam gallicam mihi tradidit. Omnibus hisce Praeceptoribus meis gratias, quas possum, maximas persoluo, summumque. Numen supplex oro, ut omni prosperitatis ac incolumitatis genere Ipsis prospiciat.*

Meis quoque sedulus interfuit recitationibus anatomicis, chirurgicis, iisque, quae ad obstetriciam artem et historiam naturalem spectabant; neque etiam cadauera in theatro anatomico diffecare meisque sub auspiciis in nosocomio obstetricio parturientibus opem ferre neglexit.

Ex quibus omnibus igitur patet, nec defuisse Candidato nostro praenobilissimo occasionem nec animum ea addiscendi quae ingenium excolerent et ornarent, quibusque patriae olim inferuaret.

Peraeto denique tempore academico, ut ad examina consueta admitteretur, graduque Doctoris Medicinae et Chirurgiae ornaretur, ab Ordine nostro modeste petiit, id quod idem noster Ordo ipsi concedere non dubitavit. Probavit etiam in examinibus cum ipso institutis, talem se esse, qualem ex



vitae suae ratione futurum speraueramus. Data igitur ipsi venia est, cathedram conscendendi, ex eaque dissertationem *de usu acidorum in febris acidis praesertim inflammatoriis* sub praesidio Viri Ill. *Christ. Godofr. GRVNER*, Collegae nostri coniunctissimi, die XIX Maii publice defendendi, quo facto summis in Arte nostra honoribus ornabitur.

Cui igitur solemnitati vt MAGNIFICVS ACADEMIAE PRORECTOR, S. R. I. COMES ILLVSTRISSIMVS, PATRES ACADEMIAE CONSCRIPTI, VTRIVSQVE REIPVBLICAE PROCERES, COMMILITONES GENEROSISSIMI ATQVE PRAENOBILISSIMI, ET SI QVI SVPERSVNT MV SARVM FAVTORES beneuole adsint, ordinis mei nomine oro rogoque.

P. P. sub Sigillo Facultatis medicae. Ienae d. XVII. Maii

MDCCLXXXI.

